

Obligation

Geschriben.

xhl: Pflugs **Comnicheh**:

- .25. x:

hl: Ghtshl:

- .12. x: 2 d:

Siglpapiere

- .3. x: 1. d:

Hanns hollmaÿr von Kazbach, vnd
Elisabetha dessen Eheweib /: welche herrn
Lorenzn Huefnagl Gerichtsprocuratorn
alhier für einen Anweiser erbetten :/
Bekennen, vnnd entnemmen Zu ihrer be=
vorstehent: höchsten haus Notturfft von
dem Würdtigen St: Bartholomei Gotts=
haus Gleissenberg, vnnd Zwar auß
handten der beeden Gerichtlich ver=
ordneten Kürchenpröbst Hanns Simons
von Gleissenberg, Vnnd Geörg Schmidts
von Gschwandt, benantlich .25. f: also:
vnnd dergestalten, das sye selbige
indes mals Zu Michaeli Landtsgebreuchig=
massen verzünsnn, vnnd nach einer
beederseits beschechenen Viertel Jehrig
aufkündtigung wider anhaimbs

bezahlen wollen, damit aber indess,
vnnd bis dahin, bemeltes Gottshauß,
vnnd ernant dess[en] Kürchenpröbst vmb
obiges Capital Genuegsamb versichert
seint, Als thuen sye entnemmere selbiges,
neben verhöthecirung ihres völligen
vermögens, vnd in Specie ihres besizentes
Heisl zu besagtem Kazbach, mit Geörg
Ruelandt alda, vnnd Wolfen Vischer
aus der Kinrieth vnuerscheidentlich ver=
porgen, welche dann auch solche Porg=
schaft freÿwillig Vf sye genommen,
vnnd das sowohl vmb gemeltes Ca=
pitall, als auch die Züns selbst Gelter
vnnd Zahler sein wollen, beÿ G[e]richt
handstreichlich angelobt haben. Negst=
deme so hat sich auch die eingangs

.37.

mitentnembente Elisabetha all ihrer
weiblichen Sprüch, vnd Freyheiten
/: deren sye von ernant ihrem an=
weiser Gueugsamb erindert, vnd
informirt worden ist :/ solang,
vnnd vill verzichten, [verzichten] vnnd begeben,
bis angeregtes Capitall, vnd die
hieruon verfallener Züns wid[er]
völlig abgericht[et], vnd bezahlt sein
würdt, Geschehen den .8.tn Aprill
anno .1699.

Testes

Herr Geörg Rosner Gerichts
procurator alhier, vnd Hanns
Koller von Gleissenberg.

© Transkription by Josef Ederer Katzbach 33

Datei: 00007-Staam_2018-12-20_12-06-53a hollmayr Katzbach